



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԼՈՒՍԱԳՅՈՒՂ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիր մարզի Լուսագյուղ համայնք  
ՀՀ, Արմավիրի մարզ, գ.Լուսագյուղ, (093) 570336, lusagyugh.armavir@mta.gov.am

## Ո Ր Ո Շ ՈՒ Մ

05 ՆՈՅԵՄԲԵՐԻ 2019 թվականի N 25

### ԱՏԵՍԱՎՈՐՈՒՄ ԱՆՑԿԱՑՆԵԼՈՒ ԵՎ ԼԻԱԶՈՐՎԱԾ ԱՆՁ ՆՇԱՆԱԿԵԼՈՒ ՄԱՍԻՆ

Ղեկավարվելով «Համայնքային ծառայության մասին» Հայաստանի Հանրապետության օրենքի 19-րդ հոդվածով և հիմք ընդունելով Հայաստանի Հանրապետության տարածքային կառավարման նախարրի 2006 թվականի օգոստոսի 29-ի «Համայնքային ծառայության մրցութային հանձնաժողովի օրինակելի աշխատակարգ» N12-Ն հրամանի առաջին մասի 8-րդ կետը.

Որոշում եմ՝

1. Հայաստանի Հանրապետության Արմավիրի մարզի Լուսագյուղի համայնքապետարանի համայնքային ծառայողներ՝ աշխատակազմի քարտուղարի /ծածկագիր՝ 1.2-1 և առաջատար մասնագետի /ծածկագիր՝ 3.1-1/ ատեստավորումն անցկացնել 2019 թվականի դեկտեմբերի 9-ին ժամը 12<sup>00</sup> ին:
2. Ատեստավորման տեխնիկական սպասարկումն իրականացնելու նպատակով լիազորված անձ նշանակել Հայաստանի Հանրապետության Արմավիրի մարզի Լուսագյուղի համայնքապետարանի աշխատակազմի գլխավոր մասնագետ՝ Լուսիկ Աղաջանյանին:
3. Ատեստավորման նախապատրաստման աշխատանքներն իրականացնել «Համայնքային ծառայության մասին» Հայաստանի Հանրապետության օրենքով նախատեսված կարգով և ժամկետներում:
4. Սույն որոշումն ուժի մեջ է մտնում ընդունման պահից:

ՀԱՄԱՅՆՔԻ ՂԵԿԱՎԱՐ՝

×

ՍԱՐԻԲԵԿ ԿԱՐԱՊԵՏՅԱՆ

2019 թվականի նոյեմբերի <<05>>  
գ.Լուսագյուղ  
ժամը՝ 11<sup>00</sup>



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԼՈՒՍԱԳՅՈՒՂ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիր մարզի Լուսաղյուղ համայնք  
ՀՀ, Արմավիրի մարզ, գ.Լուսաղյուղ, (093) 570336, lusagyugh.armavir@mta.gov.am

## Ո Ր Ո Շ ՈՒ Մ

06 ՆՈՅԵՄԲԵՐԻ 2019 թվականի N 26

### ԳՈՒՅՔԻ՝ ՄՐՑՈՒՅԹՈՎ ՎԱՐՁԱԿԱԼՈՒԹՅԱՆ ՏՐԱՄԱԴՐՄԱՆ ԱՐԴՅՈՒՆՔՆԵՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով Հայաստանի Հանրապետության հողային օրենսգրքի 80-րդ հոդվածով և «Տեղական ինքնակառավարման մասին» Հայաստանի Հանրապետության օրենքով, հիմք ընդունելով Արմավիրի մարզի Լուսաղյուղ համայնքում կայացած գույքի մրցույթով վարձակալությամբ տրամադրման մրցույթի արդյունքները.

## Ո Ր Ո Շ ՈՒ Մ ԵՄ

1. Հաստատել Հայաստանի Հանրապետության Արմավիրի մարզի Լուսաղյուղ համայնքի մրցութային հանձնաժողովի 2019 թվականի նոյեմբերի 6-ի «Գույքի մրցույթով վարձակալությամբ տրամադրման արդյունքների մասին» թիվ 2 արձանագրությունը:

2. Մրցույթում հաղթող ճանաչված Քանաքարա Արշակյանի հետ կնքել գույքի՝ հողամասի վարձակալությամբ տրամադրման պայմանագիր: Այն ներկայացնել նոտարական վավերացման և պետական գրանցման:

3. Սույն որոշումն ուժի մեջ է մտնում ընդունման պահից:

ՀԱՄԱՅՆՔԻ ՂԵԿԱՎԱՐ՝ \_\_\_\_\_ ՍԱՐԻԲԵԿ ԿԱՐԱՊԵՏՅԱՆ

2019 թվականի նոյեմբերի «06»

գ.Լուսաղյուղ  
Ժամը՝ 11<sup>00</sup>



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ԼՈՒՍԱԳՅՈՒՂ ՀԱՄԱՅՆՔԻ ՂԵԿԱՎԱՐ

Հայաստանի Հանրապետության Արմավիր մարզի Լուսաղյուղ համայնք  
ՀՀ, Արմավիրի մարզ, գ.Լուսաղյուղ, (093) 570336, lusagyugh.armavir@mta.gov.am

## Ո Ր Ո Շ ՈՒ Մ

07 ՆՈՅԵՄԲԵՐԻ 2019թվականի N 27

### ԴՐԱՄԱԿԱՆ ՕԳՆՈՒԹՅՈՒՆ ՀԱՏԿԱՑՆԵԼՈՒ ՄԱՍԻՆ

Ղեկավարվելով «Տեղական ինքնակառավարման մասին» Հայաստանի Հանրապետության օրենքի 38-րդ հոդվածի առաջին մասի 7-րդ կետով, հիմք ընդունելով Հայաստանի Հանրապետության Արմավիրի մարզի Լուսաղյուղ համայնքի ավագանու 2019 թվականի հունվարի 31-ի թիվ 04-Ա որոշումը.

### Ո Ր Ո Շ ՈՒ Մ Ե Մ՝

1. Հայաստանի Հանրապետության Արմավիրի մարզի Լուսաղյուղ համայնքի բնակիչ՝ Սուրեն Մխիթարյանին ազգականի մահվան կապակցությամբ հատկացնել դրամական օգնություն՝ 50000 /հիսուն հազար/ Հայաստանի Հանրապետության դրամ գումարի չափով:

2. Սույն որոշումն ուժի մեջ է մտնում ընդունման պահից:

ՀԱՄԱՅՆՔԻ ՂԵԿԱՎԱՐ՝ \_\_\_\_\_ ՍԱՐԻԲԵԿ ԿԱՐԱՊԵՏՅԱՆ

2019 թվականի նոյեմբերի <<07>>  
գ.Լուսաղյուղ  
Ժամը՝ 11<sup>00</sup>



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱԿԻՐԻ ՄԱՐԶԻ ԼՈՒՍԱԳՅՈՒՂ  
ՀԱՄԱՅՆՔԻ ՂԵԿԱՎԱՐ**

**Ո Ր Ո Շ ՈՒ Մ**

«\_11\_» նոյեմբերի 2019 թվականի N 28

**ԼՈՒՍԱԳՅՈՒՂ ՀԱՄԱՅՆՔՈՒՄ ԱՂԵՏՆԵՐԻ ՌԻՍԿԻ ԿԱՌԱՎԱՐՄԱՆ  
ՀԱՄԱԿԱՐԳԻ ՍՏԵՂԾՄԱՆ ՄԱՍԻՆ**

Ղեկավարվելով «Արտակարգ իրավիճակներում բնակչության պաշտպանության մասին» ՀՀ օրենքի 16-րդ հոդվածով, «Տեղական ինքնակառավարման մասին» ՀՀ օրենքի 12-րդ հոդվածի 1-ին մասի 12-րդ կետով.

**ՈՐՈՇՈՒՄ ԵՄ՝**

1. Հայաստանի Հանրապետության Արմավիրի մարզի Լուսագյուղ համայնքում աղետների ռիսկերի նվազեցման միջոցառումների կազմակերպման և իրականացման, արտակարգ իրավիճակներում գործելու ընթացակարգերի սահմանման, արտակարգ իրավիճակներում համայնքի բնակիչների պաշտպանության կազմակերպման նպատակով հաստատել.

1) Աղետների ռիսկի կառավարման (այսուհետ՝ ԱՌԿ) խորհրդի կազմը՝ համաձայն հավելված N 1-ի.

2) ԱՌԿ խորհրդի աշխատակարգը՝ համաձայն հավելված N 2-ի.

2. Խորհրդի անդամներին՝

1) մշակել Լուսագյուղ համայնքի աղետների ռիսկի կառավարման պլանը.

2) յուրաքանչյուր տարվա մինչև մարտի 1-ը իրականացնել համայնքի ԱՌԿ պլանի ճշգրտում:

3. ԱՌԿ խորհրդի ղեկավարի տեղակալ Արմեն Սիմոնյանին՝ սույն հրամանի 1-ին կետով ստեղծված ԱՌԿ խորհրդի ներգրավված յուրաքանչյուր անձի կամ անձանց փոփոխության դեպքում 5-օրյա ժամկետում ներկայացնել սույն որոշման փոփոխման վերաբերյալ որոշման նախագիծ:

4. Սույն որոշման կատարման հսկողության իրականացման պատասխանատվությունը վեապահել համայնքի ղեկավարին:

5. Որոշումն ուժի մեջ է ստորագրման պահից.

ՀԱՄԱՅՆՔԻ ՂԵԿԱՎԱՐ՝



Ս.ԿԱՐԱՊԵՏՅԱՆ



Հավելված N 1  
Հայաստանի Հանրապետության  
Արմավիրի մարզի Լուսազյուղ  
համայնքի ղեկավարի 2019 թվականի  
նոյեմբերի 11-ի N 28 որոշման

**ԿԱԶՄ**

**ԼՈՒՍԱԳՅՈՒՂ ՀԱՄԱՅՆՔԻ ԱՂԵՏՆԵՐԻ ՌԻՍԿԻ ԿԱՌԱՎԱՐՄԱՆ ԽՈՐՀՐԴԻ**

**Համայնքի ԱՌԿ խորհրդի կազմը՝**

- 1. խորհրդի ղեկավար՝ **Ս.Կարապետյան** /համայնքի ղեկավար/:
- 2. խորհրդի ղեկավարի տեղակալ-տարիանման և պատասպարման պատասխանատու՝ **Ա. Սիմոնյան** /համայնքի ղեկավարի տեղակալ/:
- 3. խորհրդի քարտուղար՝ **Մ.Առաքելյան** /աշխ.քարտուղար/:

- 4. խորհրդի անդամներ՝
  - 1) ավագանի **Յուրիկ Ասլանյան,**
  - 2) ավագանի **Նարեկ Սիմոնյան,**
  - 3) ավագանի **Գարիկ Գևորգյան,**

- 5. Ոլորտային պատասխանատուներ՝
  - ա. հրշեջ-փրկարարական աշխատանքների պատասխանատու՝ **Արամ Գրիգորյան,**
  - բ. հասարակական կարգի պահպանման պատասխանատու՝ **Սամվել Հարությունյան,**
  - գ. տրանսպորտային ապահովման պատասխանատու՝ **Արմեն Առաքելյան,**
  - դ. կապի և տեղեկատվական փոխանակման պատասխանատու՝ **Աննա Թովմասյան,**
  - ե. բժշկական օգնության կազմակերպման պատասխանատու՝ **Մարիետա Եղյան,**
  - զ. կենսաապահովման կազմակերպման պատասխանատու՝ **Արշակ Կիրակոսյան,**
  - է. կոմունալ-էներգետիկ ապահովման պատասխանատու՝ **Սասուն Սահակյան,**
  - ը.ինժեներական միջոցառումների ապահովման պատասխանատու՝ **Գևորգ Ենգիբարյան,**
  - թ. դիակների ճանաչման և հուղարկավորման կազմակերպման և հաշվառման պատասխանատու՝ **Աշոտ Առաքելյան,**
  - ժ. անհայտ կորածների և ընտանիքի անդամների միավորման, կորած/միայնակ մնացած երեխաների ու ծերերի հարցերով զբաղվող պատասխանատու՝ **Լևոն Սարգսյան:**

## ԱՇԽԱՏԱԿԱՐԳ

### ԼՈՒՍԱԳՅՈՒՂ ՀԱՄԱՅՆՔԻ ԱՂԵՏՆԵՐԻ ՌԻՍԿԻ ԿԱՌԱՎԱՐՄԱՆ ԽՈՐՀՐԴԻ

#### 1. ԱՌԿ խորհրդի աշխատակարգը

1) Սույն աշխատակարգով սահմանվում են (այսուհետ՝ Աշխատակարգ) Լուսազյուղ համայնքի ԱՌԿ խորհրդի լիազորությունների և գործառույթների իրականացման ընթացակարգերը:

2) Համայնքի ԱՌԿ խորհրդի նիստերը գումարվում են Լուսազյուղի համայնքապետարանում, իսկ դրա անհնարինության դեպքում՝ ԱՌԿ խորհրդի ղեկավարի որոշմամբ:

3) Համայնքի ԱՌԿ խորհրդի նիստի ժամանակ քննարկվում են Համայնքի ԱՌԿ պլանի մշակման, ճշգրտման և խորհրդի անդամների կողմից բարձրացված հարցերը կամ Համայնքի ԱՌԿ պլանով սահմանված գործողությունների իրականացումը:

4) Համայնքի ԱՌԿ խորհրդի նիստի ժամանակ ԱՌԿ խորհրդի ոլորտային պատասխանատուները ներկայացնում են իրենց վերապահված ոլորտում կատարված աշխատանքները, առաջ եկած խնդիրները և առաջարկվող նոր միջոցառումները: Համայնքի ԱՌԿ պլանի մշակման, ճշգրտման ժամանակ պատասխանատու են իրենց ոլորտին վերաբերվող բաժինների համար, ինչպես նաև Համայնքի ԱՌԿ պլանի նախապատրաստական և արձագանքման մասերում իրենք կարգավորման ոլորտի միջոցառումների համար:

5) Համայնքի ԱՌԿ խորհրդի նիստերը գումարվում են տարվա ընթացքում առնվազն երկու անգամ, իսկ դրա անհնարինության դեպքում՝ ԱՌԿ խորհրդի ղեկավարի որոշմամբ:

6) Համայնքի ԱՌԿ խորհրդի նիստերը արձանագրվում են քարտուղարի կողմից և ներառվում են համայնքի ԱՌԿ պլանում:

#### 1. ԱՌԿ խորհրդի նախապատրաստական գործառույթներն են՝

- 1) Համայնքի բնակչության, նյութական արժեքների պաշտպանության ապահովումը,
- 2) իրականացնում են համայնքի վտանգների, խոցելիության և կարողությունների բացահայտում,
- 3) ԱՌԿ պլանի մշակումը, իրականացման ապահովումը, վերահսկումը,
- 4) ԱՌՆ և աղետներին դիմակայելու կարողությունների զարգացումը,
- 5) Համայնքում ԱՌՆ միջավայրի և մշակույթի ձևավորումն ու դրանց տարածմանը,

6) աղետներին արձագանքման համակարգի ձևավորումն, այդ նպատակով փրկարարական, հրդեհաշիջման և անհրաժեշտ կենսապահովման միջոցների ձեռք բերման, կուտակման և նպատակային օգտագործման իրականացումը,

7) ԱՌԿ պլանի ինտեգրման ապահովումը համայնքի զարգացման ծրագրում,

8) համայնքի վաղազդարարման համակարգի ստեղծումն ու վերջինիս պահպանումը,

9) «Դիմակայուն համայնք» ստեղծելու նպատակով ԱՌՆ գործընթացներում ուսումնական հաստատությունների և բնակչության ակտիվ ներգրավվածության ապահովումը,

10) բնակչության համար արտակարգ իրավիճակներում վարքականոնների և պարտականությունների տարածումը, դրանց կիրառման ապահովումը,

11) նախապատրաստում է Համայնքի բնակչությանը կատարելու փրկարարական և հրդեհաշիջման պարզագույն աշխատանքներ,

12) իրականացնում է հրդեհների կանխարգելման աշխատանքներ՝ բնակչության իրազեկման և ուսուցման միջոցով,

13) կազմակերպում և անցկացնում է վարժանքներ:

## **2. ԱՌԿ խորհրդի արձագանքման գործառույթներն են՝**

1) Համայնքի բնակչության ազդարարման իրականացումը,

2) Արտակարգ իրավիճակների ժամանակ տեղեկատվության փոխանակման իրականացումը,

3) Համայնքի բնակչության տարահանման իրականացումը,

4) կազմակերպում է հատուկ կարիքավոր մարդկանց, հղի կանաց և երեխաների անվտանգ տարահանումը/պատսպարումը,

5) իր իրավասության շրջանակներում կազմակերպում է որոնման, փրկման և հրդեհաշիջման աշխատանքներ,

6) կազմակերպում է բնակչության նյութական և հասարակական արժեքների պահպանությունը, անվտանգության ապահովումը փրկարարական գործողությունների և տարահանման վայրերում,

7) դիակապտության, թալանի, բռնության և այլ հանցավոր երևույթների կանխումը,

8) շինարարական աղբի տեղափոխումը,

9) ճանապարհների մաքրումը և նոր տարանցիկ ճանապարհների հիմնումը,

10) արտակարգ իրավիճակի հետևանքով առաջացած շինարարական աղբի մաքրում համայնքի տարածքից ու ճանապարհներից, նոր տարանցիկ ճանապարհների հիմնում, կամուրջների վերականգնում,

11) առաջին օգնության իրականացումը,

12) սանիտարահիգիենիկ և համաճարակային վիճակի հսկողություն,

13) բնակչությանը սննդով, ջրով, դեղորայքով և առաջին անհրաժեշտության պարագաներով ապահովումը,

14) ջրային և սննդամթերքի պաշարների կուտակումը և նպատակային օգտագործումը:

- 15) բնակչության կոմունալ-էներգետիկ ապահովումը,
- 16) տուժած տարածքների գազամատակարարման և էներգամատակարարման վերականգնման կազմակերպումը, անհրաժեշտության դեպքում առանձին հատվածներում դրանց դադարեցումը,
- 17) դիակների հուղարկավորման համար հողհատկացման և հուղարկավորման կազմակերպումը,
- 18) կորած, միայնակ մնացած երեխաների հայտնաբերումը, գրանցումը և ուղղորդումը համապատասխան սոցիալական ծառայություններ,
- 19) կազմակերպում է երեխաների վերամիավորումն ընտանիքներին:
- 20) աղետից հետո կազմակերպում է ստեղծված իրավիճակի, շենքերի, շինությունների, կամուրջների, թունելների և այլ առանցքային հանգույցների տեխնիկական վիճակի գնահատումը,
- 21) վնասի և կարիքների վաղ գնահատումը և հայտերի ներկայացումը մարզային կամ հանրապետական հանձնաժողովին: